



# VOORDRAG

## GRAAD 6 TOT OPE AFDELING

### STILSTAANDE PROSA EN POËSIE EN VOORBEREIDE LEES

## 1. VOORSKRIFTE

### 1.1 ALGEMENE VOORSKRIFTE:

- 'n Deelnemer mag in een of meer kategorieë deelneem.
- 'n Deelnemer skryf in volgens skoolgraad, dit wil sê óf in graad 6, 7, 8, 9, 10, 11, 12 óf die ope afdeling (18-25 jaar; dui ouderdom aan).
- **NB! NB!** Dieselfde inskrywings mag NIE meer as een keer (jaar na jaar) vir die Internasionale Afrikaans-Ekspo ingeskryf word NIE. Dit moet oorspronklike werk wees wat nog nie voorheen ingeskryf is nie.
- Alle inskrywings moet die deelnemer se eie, selfstandige, unieke en nuwe werk wees.
- **LET WEL!** Die beoordelaars is onafhanklik van die FAK en hulle beslissings vir die finaliste en wenners is finaal en bindend en geen korrespondensie sal daarvoor gevoer word nie.

### 1.2 VOORSKRIFTE VIR DIE HANTERING VAN 'N INSKRYWING:

- Die volgende inligting moet aan die begin van jou video vir 5 sekondes duidelik sigbaar vertoon word (Dit kan op 'n A4-papier geskryf en deur leerder vasgehou word):
  - > Naam en van
  - > Graad
  - > Skool
  - > Prosa/Poësie/Voorbereide lees
  - > Titel
- Voltooi die inskrywingsvorm.
- Stuur die inskrywingvorm en video na [ekspo@fak.org.za](mailto:ekspo@fak.org.za)
- Indien meer as een inskrywing vir hierdie kategorie ingeskryf word (bv. een leerder wat twee voordragte lewer), moet elke inskrywing apart ingestuur word, elk met 'n afsonderlike inskrywingsvorm.
- 'n Maksimum van DRIE INSKRYWINGS per kategorie per leerder word toegelaat. Geen ekstra inskrywings sal aanvaar word of beoordeel word nie. Kies die beste DRIE om in te skryf.

## 2. WENKE

- Prosa is 'n storie of verhaal wat vertel word.
- Daar is gewoonlik meer as een karakter en verteller ter sprake in prosa.
- Die verteller van die storie is die belangrikste deel van die prosa.
- Onthou! 'n Verhaal het gewoonlik 'n begin, ontwikkeling, klimaks, afloop en 'n einde.

- 'n **Gedig** kan aan sy **tipografie** herken word. Anders as prosa het gedigte kort reëls.
- Maak gebruik van jou **gesigsuitdrukings** om die storie te vertel.
- Gebruik die tema wat gegee word tot jou voordeel en geniet dit.
- Moenie vaskyk in die tema van die jaar nie, dink 'n bietjie anders en vernuwend.
- Maak seker om **oogkontak** met die kamera te maak.

### 3. OPDRAG

- Lewer 'n Afrikaanse stilstaande prosa, poësie of voorbereide lees oor enige onderwerp OF met die tema van die jaar as die onderwerp.
- Plaas jou **foon of videokamera op 'n staander** dat jou beeld mooi vertoon.
- Video moet in **"Landscape"** geneem word.
- Wanneer jy die video neem, staan teen 'n **skoon agtergrond** (soos 'n wit muur).
- Sorg dat die lig van **voor af op jou gesig** val.
- Neem 'n **kop en skouerskoot** dat gesigsuitdrukings gesien kan word.
- Maak seker jy is **duidelik hoorbaar** voordat jy jou video instuur.
- Onthou jy praat met 'n **lewendige gehoor**, so kyk in die kamera in.
- Dis stilstaande prosa, poësie of voorbereide lees, dus mag **geen rekwisiete of gebare** gebruik word nie. (Met die uitsondering van 'n boek by Voorbereide lees.)
- Die prosa, poësie of voorbereide lees moet **ouderdomstoepaslik** wees.
- Die prosa of poësie moet **gememoriseer** word en mag nie afgelees word nie.
- Voorbereide lees moet **goed voorberei** wees en vlot voorgelees word.
- Die leerders mag slegs **swart drag of skoolklere** dra, geen kostuums nie.
- Video's mag **nie geredigeer** word nie.
- Video's vir prosa, poësie of voorbereide lees mag nie die tydlimiet van **3 minute** oorskry nie.
- Stoor die voordragvideo in 'n **mp4-formaat**.
- 'n Video groter as **300 MB** sal nie maklik gestuur kan word nie. Dus moet video's kleiner gemaak word indien nodig voor dit gestuur word. Indien die video klein is, kan dit per **e-pos** gestuur word; enige groot video's kan met **wetransfer.com** gestuur word.

### BEOORDELING SAL NA AANLEIDING VAN DIE VOLGENDE GEDOEN WORD:

<b>VOORDRAG</b>          __ / 20	<ul style="list-style-type: none"> <li>• Is die leerder goed voorberei?</li> <li>• Is daar van gesigsuitdrukings gebruik gemaak om die storie te vertel?</li> <li>• Ontbreek die karakters (by prosa)?</li> <li>• Is daar van enige rekwisiete of bewegings gebruik gemaak? (Punte word daarvoor afgetrek.)</li> <li>• Word die gehoor vasgevang met die poësie of prosa wat voorgedra word?</li> <li>• Is die deelnemer ontspanne en gemaklik op die verhoog?</li> </ul>
<b>TEMPO EN VOKALE VERSKEIDENHEID</b>          __ / 15	<ul style="list-style-type: none"> <li>• Word daar van goeie projeksie en artikulasie gebruik gemaak?</li> <li>• Word stem gebruik om die verskillende emosies en karakters reg oor te dra?</li> <li>• Is die uitspraak duidelik?</li> <li>• Sluit die stem 'n variasie van toonhoogte, tempo, volume en toonkonsekwentheid in?</li> <li>• Is woorde duidelik sodat die gehoor maklik kan luister en verstaan?</li> </ul>
<b>TEMA (INHOUD) EN ALGEMENE VEREISTES</b>          __ / 10	<ul style="list-style-type: none"> <li>• Is die prosa of poësie ouderdomstoepaslik?</li> <li>• Ken die deelnemer die prosa en poësie vlot?</li> <li>• Is die video's binne die gegewe tydlimiet?</li> <li>• Is die prosa of poësie wat gelewer word relevant?</li> </ul>
<b>GEHEELINDRUK</b>          __ / 5	<ul style="list-style-type: none"> <li>• Die beoordelaar se eie oordeel m.b.t. die prosa, poësie of voorbereide lees se geheel word hier aan die dag gelê.</li> </ul>
<b>TOTAAL</b>	..... uit 50